



Publicaziuns dalla vischnaunca, jamna 27

Damonda da baghegiar

Nr. 2010-1034

Datum da publicaziun: ils 9 da fenadur 2010

Ils patruns: Doris e Fredy Caminada-Tuor, Via Raveras 23, 7180 Disentis/Mustér

Il representant: Aluis Huonder, architect dipl. FH SIA, Via da Scola 18, 7180 Disentis/Mustér

Object: Spazzar il clavau sur la stizun e construir ina habitaziun, parcella 739, Via Gonda 12, 7180 Disentis/Mustér.

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 6-7-2010
Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2010-1018/02

Pendicularas Mustér SA, Via Acletta 2, 7180 Disentis/Mustér; midada dil project per spazzar il baghetg existent «tipi» e reconstruir in niev baghetg da restauraziun, parcella nr. 2539, Gedusas, 7180 Disentis/Mustér.

Nr. 2010-1030

Leonard Tenner-Guinacaran, Via Alpsu 28, 7180 Disentis/Mustér; midada d'intent dalla garscha, endrizzar ina stizun ed in luvratori, parcella 511, Via Alpsu 28, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 6-7-2010
Uffeci da baghegiar Disentis/Mustér

Eleczium complementara d'in gerau

Muort abdicaziun da gerau Hans Huonder enteifer la perioda d'uffeci 2009–2012 ha liug quest atun l'eleczium complementara d'in gerau pil temps d'uffeci naven dils 1-1-2011 entochen ils 31-12-2012.

La suprastonza communal ha, conform alla lescha davart ils dretgs politics fixau ils suandonts datums: L'eleczium complementara d'in gerau ha liug **dumengia, ils 26 da settember 2010**, sut la resalva ch'ei hagi liug il medem mument ina votaziun cantunala ni federala.

Vischinadis, partidas politics localas ni gruppas da silmeins 15 votants san proponer entochen 30 dis avon l'eleczium candidatas e candidats. Las propostas ein da far a scret e d'inoltrar entochen **gievgia, ils 26 d'uost 2010** all'administraziun communal.

Suprastonza communal



Administraziun communal **Success professiunal**

Il zercladur ha *Vanessa Venzin* absolviu cun fetg bien success igl examen final da siu emprendissadi da commercianta cun maturitad professiunala. Il temps d'emprendissadi da treis onns tier l'administraziun communal terminescha ella cun la fin fenadur.

Nus gratulein cordialmein a *Vanessa Venzin* per quei success e giavischein ad ella cuntentientscha e satisfacziun per sia veta professiunala sco era privata.

Ils 12 da fenadur 2010 entscheiva *Bettina Decurtins* da Rabius igl emprendissadi da commercianta cun maturitad professiunala.

Suprastonza communal ed administraziun communal

Carrar sin vias d'uaul

Sebasond sin la lescha forestala sco era il regulativ da diever dallas vias d'uaul cun vehichels a motor basegna ei ina **carta annuala** per astgar carrar sin las vias d'uaul.

Retscheiver ina tala carta annuala san:

- a) proprietari ed affittaders da beins immobiliars pigl access tier lur schischom;
- b) persunas per lur activitad professiunala;
- c) survetschs d'apport per intents specials, sco per visetas allas alps, camonas e tegias etc.;
- d) persunas impedidas.

La taxa persunter munta **frs. 80.–**. Cumpriu en quella summa ein 2 cartas annualas (1 carta sil num e l'otra sin la numera d'auto).

Diever agricol

Aschinavon ch'ei vegn carrau cun **maschinas agricolas** basegna ei **negina legitimaziun da carrar**. Cass cuntrari valan medemamein las suramenziunadas prescripziuns, la taxa persunter munta denton sulettamein a frs. 10.– (taxa administrativa).

Taxas da carrar

Carta dil di frs. 15.–
jamnila frs. 25.–
meinsila frs. 40.–
annuala frs. 80.–

Las cartas ein da retrer tier l'administraziun communal.

Las cartas dil di san, oravontut cura che l'administraziun communal ei serrada, era vegnir retratgas ella caffetteria dil Center da sport e cultura.

La polizia communal controllescha il carrar sin las vias d'uaul e castigescha surpassaments.

Suprastonza communal



Libra concurrenza per ils transports da scola 2010/11

La vischnaunca da Mustér dat caschun d'offerir ils transports da scola resp. da scoletta enteifer la vischnaunca da Mustér. Ei setracta dil temps naven dils 16 d'ost 2010 entochen ils 22 da zercladur 2011.

Viadis pertuccai:

Mumpé Medel

gliendisdis: mintgamai 4 viadis per di
mardis e gievgia: mintgamai 5 viadis per di
mesjamna: mintgamai 2 viadis per di
venderdis: mintgamai 3 viadis per di

Segnas

gliendisdis e gievgia: mintgamai 2 viadis per di
mardis, mesjamna e venderdis: mintgamai 1 viadi per di

Per ulteriur sclariment stat genau Hans Huonder bugen a disposiziun. Las offertas ein d'inoltrar **entochen ils 22 da fenadur 2010** alla suprastonza communal, departament scolaziun, 7180 Disentis/Mustér.

Suprastonza communal Disentis/Mustér

Controlla da habitonts Naschientscha

Manetsch Ladina, naschida ils 11 da zercladur 2010, feglia da Manetsch Claudia e Schmid Jonathan.

Ev.-ref. Kirchgemeinde der Cadi: Sommerlichmusikalischer Gottesdienst in Cavorgia

Am **Sonntag, 11. Juli**, findet um 10.00 Uhr in der Kapelle s. Leci in Cavorgia ein sommerlich-musikalischer Gottesdienst im Grünen mit anschliessendem Apéro statt.

«Geh aus mein Herz und suche Freud»: Das gilt nicht nur für Wanderer und Radfahrer, eingeladen sind alle, Gross und Klein.

Center sursilvan d'agricultura

Gemeinsame Erwanderung des Lockpfostenwegs mit anschliessendem Imbiss am Feuer.

Mittwoch, 14. Juli 2010, um 20.00 Uhr

Treffpunkt beim Eingang des Mehrzweckraums des Center sursilvan d'agricultura auf der Salaplauna. Mehr Infos unter www.agricultura.ch.



Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Adatg!

Ils meins fenadur ed uost resta la ludoteca mintgamai serrada la gievgia.

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

La biblioteca ei aviarta il fenadur ed uost:

Gliendisdis/Montag 18.30–20.00

Venderdis/Freitag 18.30–20.00

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
